

贺词古诗

1.
昨夜斗回北，今朝岁起东。我年已强仕，无禄尚忧农。桑野就耕父，荷锄随牧童。田家占气候，共说此年丰。——孟浩然《田家元日》
2.
莫嫌寒漏尽，春色来应早。风开玉砌梅，薰歇金炉草。稚齿喜成人，白头嗟更老。年华个里催，清镜宁长好。——梅尧臣《除夕与家人饮》
3.
岁时销旅貌，风景触乡愁。牢落江湖意，新年上庾楼。——白居易《庾楼新岁》
4.
家寄关西住，身为河北游。萧条岁除夜，旅泊在洛州。——白居易《除夜宿洛州》
5.
四十余番送岁回，百年身世半摧颓。更将四十余番送，岁定相辞不复来。——曾丰《戊申除夕送岁》
6.
薄晚支颐坐，中宵枕臂眠。一从身去国，再见日周天。老度江南岁，春抛渭北田。浔阳来早晚，明日是三年。——白居易《除夜》
- 7.年年此夕费吟呻，儿女灯前窃笑频。——黄景仁《癸巳除夕偶成》
8.
鬓毛不觉白毵毵，一事无成百不堪。共惜盛时辞阙下，同嗟除夜在江南

。家山泉石寻常忆，世路风波子细谙。老校于君合先退，明年半百又加三。——白居易《除夜寄微之》

9.
千家笑语漏迟迟，忧患潜从物外知，悄立市桥人不识，一星如月看多时。
。——黄景仁《癸巳除夕偶成》

10.
故岁今宵尽，新年明旦来。愁心随斗柄，东北望春回。——张说《钦州守岁》

11.
北极长尊报圣期，周家何用问元龟。天颜入曙千官拜，元日迎春万物知。
。闾阖回临黄道正，衣裳高对碧山垂。微臣愿献尧人祝，寿酒年年太液池。
。——杨巨源《元日观朝》

12.
紫府仙人授宝方，新正先许少年尝。八神奉命调金鼎，一气回春满绛囊。
。金液夜流千尺井，春风晓入九霞觞。便将凤历从头数，日日持杯访醉乡。
。——瞿佑《屠苏酒》

13.半盏屠苏犹未举，灯前小草写桃符。——陆游《除夜雪》

14.
城里夕阳城外雪，相将十里异阴晴。也知造物曾何意，底事人心苦未平。
。柏府楼台衔倒影，茅茨松竹泻寒声。布衾莫漫愁僵卧，积素还多达曙明。
。——王守仁《次韵陆佥宪元日春晴》

15.
消息东郊木帝回，宫中行乐有新梅。沉香甲煎为庭燎，玉液琼苏作寿杯。
。遥望露盘疑是月，远闻鼙鼓欲惊雷。昭阳第一倾城客，不踏金莲不肯来。
。——李商隐《隋宫守岁》

16.

故人适千里，临别尚迟迟。人行犹可复，岁行那可追！问岁安所之？远在天一涯。已逐东流水，赴海归无时。东邻酒初熟，西舍豕亦肥。且为一日欢，慰此穷年悲。勿嗟旧岁别，行与新岁辞。去去勿回顾，还君老与衰。——苏轼《别岁》

17.

欲知垂尽岁，有似赴壑蛇。修鳞半已没，去意谁能遮？况欲系其尾，虽勤知奈何！儿童强不睡，相守夜讙哗。晨鸡且勿唱，更鼓畏添挝。坐久灯烬落，起看北斗斜。明年岂无年？心事恐蹉跎。努力尽今夕，少年犹可夸。——苏轼《守岁》

18.

星移汉转月将微，露洒烟飘灯渐稀。犹惜路傍歌舞处，踟蹰相顾不能归。——崔液《上元夜六首》

19.

儿童强不睡，相守夜欢哗。晨鸡且勿鸣，更鼓畏添挝。坐久灯烬落，起看北斗斜。明年岂无事，心事恐蹉跎！努力尽今夕，少年犹可夸。——苏轼《守岁》

20.

除夕仍为客，今年脚不停。分身三处梦，共影两同行。诸子依潭橘，双亲滞楚萍。此时灰一寸，明日雪千茎。——项安世《除夕宿武陵邸中》

本文链接：<https://duanjuziku.com/duanjuzi/bk98xe13mh.html>